



ТҰТҚАН Р К К І

ӘЛЕМІ

ХАЛЫҚАРАЛЫҚ ГАЗЕТИ

Газет 2000 жылдан бастап шығады

<http://turkalemi.kz/>

№ 9, 10 (қыркүйек-қазан, 242-243) 2022 жыл



үкіметтерге тапсырма берілгенін атап өтті.

– Әзірбайжан өз аймағында ғана емес, кең географиялық ауқымда да маңызды рөл атқарады. Қазір күн тәртібінде «Орта дәлізді» дамыту мәселесі тұр. Біз де осы форматтағы жұмыстарды жалғастыруға мүдделіміз, – деді Қазақстан Президенті.

Сонымен қатар президенттер екі елдің мәдени-гуманитарлық саладағы өзара табысты іс-әрекетін, оның ішінде Қазақстан мен Әзірбайжанның тарихи және мәдени құндылықтарын ілгерілетуге бағытталған бірқатар бірлескен жобаның жүзеге асырылуын жоғары бағалады.

– Біз Әзірбайжанның көрнекті



25 ҚАЗАН – ҚАЗАҚСТАННЫҢ РЕСПУБЛИКА КҮНІ

13 жылдан соң, 25-қазан Республика күні ретінде қайта бекітіліп, Президент тиісті заңға қол қойды. Еліміздің жалынды жастары бастарын бәйгеге тігіп, бодандық құрсауынан шығуға ұмтылған қыршын ерліктері бүгінгі Тәуелсіз Еліміздің жарқын істерімен жалғасын табуда. Бостандық пен еркіндіктің бастауы болып табылатын осы салтанатты күні Халықаралық «Түркі әлемі» газетінің ұжымы Сіздерге игілік пен бақыт, бақ-дәулет, ырыс тілейді. Бұл күн – сан мәрте БАҚ жазып, халық айтып жүріп жеткен асыл мереке. Бұл күн – ата-бабамыз аңсаған арманның жүзеге асқан, елімізге еркіндік сыйлаған Ұлы күн. Осындай маңызы бар тарихи думанда еліміздің туы асқақтап, келешегі көркейе берсін.

Оқырмандарымызға мықты денсаулық, отбасыларыңызға бақыт, сәтті күндер, зор жетістіктер тілейміз.



29 ҚАЗАН – ТҮРКИЯНЫҢ РЕСПУБЛИКА КҮНІ

Осыдан бір ғасырға жуық уақыт бұрын Анадолыда ұлт көшбасшысы Кемал Атаүркік бастаған шетел интервенттерінің жаулауынан азат етуге бағытталған ұлт-азаттық күрес жеңіспен аяқталды. Осылайша, 1923 жылы 29-қазан күні Түркияның тұңғыш президенті Мұстафа Түркия Республикасын жариялады. Дәстүр бойынша мерекелік шаралар елдің бас қаласы Анкарадағы Атаүркік кесенесінде басталады. Бұл жердегі шараның алғашқы легі мемлекет және қоғам қайраткерлерінің қатысуымен өтіп, Ұлт азаттық күрестің барлық қаһармандарын құрметпен еске алады.

Осы орайда, түбіміз бір, бауырлас түркі бауырларымызды бүгінгі Республикасы күнімен құттықтаймыз! Қазаққа бір асыл сөз бар «Бағалай білгенге бақ қонады, қадірлей білгенге құт қонады». Мінеки бұл асыл сөз біздің бүгінгі татулығымызды көрсетеді. Түркі халықтарының бейбітшілігі мен тәуелсіздігі және қарым-қатынастары мәңгі болсын!



ӘЗІРБАЙЖАН РЕСПУБЛИКАСЫНЫҢ ТӘУЕЛСІЗДІК КҮНІ

18 қазан – Әзірбайжан Республикасының Мемлекеттік мейрамы – Тәуелсіздік күні (1991). Заң жобасы бойынша жыл сайын 28 мамырды Әзірбайжанда Тәуелсіздік күні ретінде, ал 18 қазанды Тәуелсіздіктің қалпына келу күні ретінде атап өту ұсынылған.

Осы уақытқа дейін Республика күні 28 мамырда тойланып келді. Жаңа заң бойынша енді бұл дата Тәуелсіздік күні ретінде тойланады. Ал 18 қазан – Тәуелсіздікті қалпына келтіру күні ретінде атап өтіледі және жұмыс күні саналады. Тығыз қарым-қатнас орнатқан бауырлас мемлекетіміздің атаулы мерекемен құттықтай отырып, өсіп-өнуін шын жүректен тілейміз.

Редакция

ҚАЗАҚСТАН ЖӘНЕ ӘЗІРБАЙЖАН ПРЕЗИДЕНТТЕРІНІҢ КЕЗДЕСУІ ӨТТІ

Азиядағы өзара іс-қимыл және сенім шаралары жөніндегі кеңестің VI саммиті аясында Қазақстан Республикасының Президенті Қасым-Жомарт Тоқаев Әзірбайжан Республикасының Президенті Ильхам Әлиевпен кездесу өткізді. Бұл туралы Қазақстан Президентінің баспасөз қызметі хабарлады.

Қасым-Жомарт Тоқаев Президент өзінің жуырда Бакуге жасаған сапары қазақ-әзірбайжан қарым-қатынасын жаңа деңгейге көтергенін атап өтті.

– Елімізге келіп, саммитке қатысқаныңыз үшін алғыс айтамын. Екіжақты қарым-қатынасқа арнайы тоқталғым келеді. Бакуге сапарым кезінде көрсеткен қонақжайлылығыңызға ризашылығымды білдіремін. Біздің келіссөздеріміз табысты болды және шет мемлекеттердегі саяси және экономикалық топтардың назарын аударды. Біз Әзірбайжанды одақтасуымыз, стратегиялық серіктесіміз деп есептейміз. Әрқашан осы бағытты ұстанамыз, – деді Қасым-Жомарт Тоқаев.

Қазақстан мен Әзірбайжан президенттері қол жеткізілген уағдаластықтарды сапалы жүзеге асыру үшін барлық қажетті шараларды қабылдау жөнінде

мемлекет қайраткері Гейдар Әлиев атындағы көшені ауыстыру туралы айттық. Елордамызда оған лайықты орын бар деп санаймын. Мұндай орын табылды. Мен оны мақұлдадым. Ендігі мәселе уақыттың еншісінде, – деді Қазақстан Президенті.

Өз кезегінде Ильхам Әлиев АӨСШК саммитіне шақырғаны және қазақ халқының дәстүрлі қонақжайлылығы үшін Қасым-Жомарт Тоқаевқа алғысын айтты.

– Бауырлас Қазақстанға келгеніме өте қуаныштымын. Сондай-ақ өткізілген саммиттің оң нәтижелерімен құттықтаймын келеді. Бұл Қазақстанның халықаралық аренадағы рөлі мен беделі жоғары екенін көрсетеді. Ең алдымен, Гейдар Әлиевті еске алып, құрмет көрсеткеніңіз үшін алғыс айтқым келеді. Сіздің сапарыңыздан бері біз жақсы жетістіктер мен нәтижелерге қол жеткіздік, – деді Әзірбайжан Президенті.

Сонымен қатар кездесу барысында мемлекеттер басшылары екіжақты ынтымақтастықтың басым бағыттары мен халықаралық күн тәртібіндегі өзекті мәселелерді талқылады.



TEM TOUR TRAVEL AGENCY
 IATA ACCREDITED AGENT

Әлемнің кез келген бұрышына ұшақ билеттері мен демалу мүмкіндіктері

- Тіркелу және виза жасау
- Үй, офис, жұмыс орындарына билет жеткізу қызметі
- Автобус және VIP-көліктерімен тасымалдау

air astana TURKISH AIRLINES
 Lufthansa BRITISH AIRWAYS KLM

Алматы қ., Желтоқсан даңғылы, 111
 Тел.: +7(727) 2202222 2795900 2720864, Ұялы тел.: +7 701 555 08 36
 Абылай хан к., 71
 Тел.: +7(727) 2793775, Ұялы тел.: +7 701 766 75 01
 info@temtour.net

Астана қ., Республика даңғылы 5
 Тел.: +7 (7172) 439558 439559 439306
 Ұялы тел.: +7 701 203 9690
 astana@temtour.net

Radixact® BY TOMOTHERAPY

ORHUN MEDICAL

- Точность воздействия
- Искусственный интеллект
- Эффективное лечение
- Безболезненное лечение

Джем Парлак
 Заведующий отделением Томографии

Абая, 91 3-й корпус 0500000, г. Алматы
 Пн-Пт: 09:00 - 18:00
 +7 777 039 10 70



Өз бақытын, қуанышын өзі өмірге әкелген перзенттерінің қылығынан, қызығынан іздейтін аяулы жан, «Түркі әлемі» мәдени қорының белсенді мүшесі Гүлсара Сайдманованы 70 жасқа толған мерейтойымен құттықтаймыз!

Сізге әлемдегі бар жақсы тілекті үйіп-төксек те аз. Алла сізге ең алдымен мықты денсаулық берсін! Әрқашан жүзіңізден мейірім нышаны кетпей, айналаңызға нұрыңызды шашып, Аналық баққытқа кенеліп жүре беріңіз!!!

Батыр да туған анадан, ақын да туған анадан, Ананың биік тұғыры – анадан туған бар адам. Пайғамбарымыз Мұхаммед ананы құрмет санаған, Анаға мәңгі борыштар елдегі барлық дана адам.



«ҚОЛӨНЕР - СЫРЛЫ ӨНЕР»

Өл-Фараби атындағы Қазақ Ұлттық университеті, жоғары оқу орнына дейінгі білім беру факультеті 25 қазан – Республика күніне орай ұйымдастырылған «Атамекенге қош келдіңіздер!» атты мерекелік шараға арнайы кафедраның жанынан құрылған «Жас шебер» үйірмесі «Қолөнер – сырлы өнер» атты қолөнер бұйымдар көрмесін ұйымдастырды. Көрменің мақсаты – факультетте білім алушы жастарға қолөнерді насихаттау, үйрету, тоқылған бұйымдармен таныстыру. Көрмеге қолдан тоқылған кішкентай қыздарға арналған көйлектер, балалар ойыншықтары, жастықтың тысы, семке түрлері қойылды. Он саусағынан өнер тамған шеберлердің қолынан шыққан қолөнер бұйымдар көздің жауын алады. Соның ішінде, әсіресе қызыл-сары түсті кішкентай қыз балаға арналған көйлектер мен кофталар бірден назарын өзіне аударды. Тоқымаңыз қас шебері «Жас шебер» үйірмесінің жетекшісі Меруерт Ибрагимова шабыт келсе, бір апта ішінде тоқып бітіруге болатынын және оған сүйіспеншілік керек екенін айтты.

Көрмеге келушілер көрмені тамашалап, қолөнерге деген қызығушылықтарын білдірді. Тыңдаушылар үйірмеге қатысып, қолөнер бұйымдарын үйренуге ниет білдірді.

ЖОО-ға дейінгі білім беру факультетінің оқытушылары:
Г.А. Тастемірова, Г.А. Габитова



ҚАЗАҚСТАНҒА САЯХАТ

Өл-Фараби атындағы Қазақ Ұлттық университеті жоғары оқу орнына дейінгі білім беру факультеті 2022 жылдың 19-қазанында ЖОО-ға дейінгі дайындық кафедрасында білім алып жатқан ауғанстандық тыңдаушылардың қатысуымен онлайн форматта ZOOM платформасында 25 қазан – Республика күніне орай «ҚАЗАҚСТАНҒА САЯХАТ» атты мерекелік шара өтті. Мерекелік шараның мақсаты – шетелдік тыңдаушыларға Қазақстан Республикасы туралы мәлімет беру, қазақ елінің тарихына шолу жасай отырып, таныстыру.

Аталған шараға: Қазақстандағы «Ариана» ауған орталығының басшысы Ахмадулла Восток мырза, Ауғанстан Жоғары Білім министрлігінің халықаралық байланыстар департаментінің директоры доктор Назар Мохаммад Урфан мырза, «Парван» университетінің профессоры доктор Саид Мобин Хашими мырзалар қатысып, Қазақстан тарапынан Ауғанстанға беріліп жатқан көмектері жайлы ризашылықтарын білдіріп, Қазақстанның одан әрі дами беруіне тілектестіктерін білдірді. Екінші кезекте сөз алғандар ЖОО-ға дейінгі дайындық кафедрасының ауғанстандық түлектері қазіргі таңда Алматыдағы «Пинг Оушен» сервис компаниясында жұмыс істеп жүрген 2015–2016 жылғы түлегі Каргар Бабур білім берген факультет ұстаздарына алғыс айтып, Республика күнімен құттықтады. Сонымен қатар 2018–2019 жылғы түлегі, халықаралық қатынастар факультетінің 4-курс студенті Дурани Набил, 2019–2020 жылғы түлегі Зафары Ақыл, факультеттің 2020–2021 жылғы түлегі қазіргі таңда экономика факультетінің 2-курс студенті Пайванди Жавид, 2022 жылы математика факультетін бітірген Ноори Хамидолла өздерінің жүрекжарды пікірлерін білдіріп, рақметтерін айтты. Шараның екінші бөлімінде оқытушы Өзенбек Салтанат Қазақстан Республикасы туралы кең көлемде слайд-шоу түрінде материалды ағылшын тілінде таныстырып, тыңдаушылардың көңілінен шыға білді. Ауғанстандық тыңдаушылар мерекелік шарадан Қазақстан жайлы көп мәлімет алғандарын айтып, ризашылықтарын білдірді.

ЖОО-ға дейінгі білім беру факультетінің аға оқытушылары:
Г.А. Тастемірова, Г.Е.Сапаева



Түркі халықтары мәдени қорының белді мүшесі Майра Жақыпованы туған күнімен құттықтаймыз! Өмірдің талай белесінен табысты өтіп, бүгінде бір әулеттің ақылшы тірегі, арқа сүйеріне айналдыңыз. Сізді туған күніңізбен құттықтап, қажымас қайрат, талмас қанат, күйлі қуат тілейміз. Мерейіңіз үстем, қадір-қасиетіңіз зор болсын!

